

Qaasuitsup Kommunua K2 - Syd
Kommunalbestyrelsi

Hansen, Ane	IA
Olsen, Peter	IA
Sørensen, Hector Lennert	IA
Samuelsen, Aqqa	IA
Aronsen, Hans	IA
Petersen, Thomas	IA
Kristensen, Niels	IA
Jeremiassen, Kristian	IA
Svane, Jess	S
Sandgreen, Enok	S
Mølgaard, Timooq	S
Jeremiassen, Otto	S
Jeremiassen, Nikolaj	S
Broberg, Kristian	S
Petersen, Naja	A

Ataatsimiinnermi aqutsisoq:	Kristian Broberg, S
Imaqarniliortoq:	Hans Eriksen
Immikkut ittumik aggersakkat:	Direktionen
Ima ataatsimiittoqarpoq:	Aasiaani najuulluni

13. MAJ 2017

QAASUITSUP KOMMUNIA K2 - SYD
Niels Egedes Plads 1, Postboks 220, 3950 Aasiaat

Dagsorden

IKAARSAARIARNERMUT ATAATSIMIITITALIAP 2017-IMI SULIASSAI PILLUGIT ILISIMATITSINEQ	2
17-001 KOMMUNALBESTYRELSIMI SIULITTAASUSSAMIK TOQQAANEQ	4
17-002 IKAARSAARIARNERMUT ATAATSIMIITITALIAP SULERIUSISSAANIK AKUERSINEQ ...	5
17-003 IKAARSAARIARNERMUT ATAATSIMIITITALIAMI SIULITTAASUP TULLIA SIULLEQ TAASSUMALU TULLIANIK TOQQAANEQ	6
17-004 AQUTSINERMUT ILEQQOREQQUSASSAQ NUTAAQ	7
17-005 ALLAFFISSORNIKKUT AAQISSUUSSAANERMUT SIUNNERSUUT	9
17-006 2017-MI ATAATSIMIIFFISSAT	11
17-008 ANINGAASAQARNERMUT ATAATSIMIITITALIAP ILAASORTASSAANIK TOQQAANEQ	13
17-009 BORMESTERIP TULLERSORTAATA SIULLIUP ANINGAASATIGUT AJUNNGITSORSIASSAI PILLUGIT AALAJANGERNEQ	15
17-010 KOMMUNIP TAAGUUTAANIK ILISARNAATAANILLU INASSUTEQAASIORTUSSANIK PILERSITSINEQ	16
17-011 ILISIMATITSISSUTIT: SIUNNERSUISOOQATIGIINNI, ATAATSIMIITITALIANI, ANINGAASAATEQARFINNI, SIULERSUISUNI IL.IL. ILAASORTASSANIK TOQQARTUINEQ	17
MØDET SLUTTER/ ATAATSIMIINNEQ NAAVOQ	19
ATSIORFISSAQ:	19

Eqqartugaq Ullormut oqaluuserisassat akuerineqarneri

Ullormut oqaluuserisassat pillugit allaffissornermik sulialinit oqaaseqaatit:

Kommunit aqunneqarnerat pillugu Inatsisartut inatsisaat nr. 22, 18. november 2010-meersumi § 4-imi allassimasut naapertorlugit kommunalbestyrelsi qinigaarlaaq qinigaanerup kingorna inissitiserluni ataatsimiissaaq qinersinermi ataatsimiititaliami qinersineq pillugu maalaarutaasimasinnaasunik aammalu ilaasortanngortut qinigaasinnaanerat pillugu naliliisoqareeraangat. Ullormut oqaluuserisassat suliaralugit naammasserisa nalaanni qinigaasinnaatitaanermut ataatsimiititaliap ilaasortat qinigaasinnaatitaaneri misissorlugit suli naamamssisimangilaq. Taamaattoq allaffissornermik suliallit ilisimatinnearput, qinigaallutik ilaasortanngortut qinigaasinnaatitaasutut akuerineqareersimasut aamma sinniisut ilaat ataasiakkaat misissuiffigineqarnissaat kisinngorussimasut. Suliak taakkua misissornerput. Qinigaasinnaatitaanermut ataatsimiititaliap allaffeqarfia politimestereqarfimmut uppersaatit piniarpoq. Eqqartuussisumit atsiornillit aamma eqqartuussivik angunngikkaluarlugu akiligassallit politimesterimut akiliisinnegareerpata taakkua qinigaasinnaatitaanermut ataatsimiititaliamut nassiunneqareersimaleripata inassuteqaasiorfigineqarsinnaalissapput. sulineq aallarereerpoq aamma suliak qaqugu aalajangiiffigineqarsinnaassanersut ilisimatitsissutigineqarsinnaangilaq.

Ilaasortatut qinikkat tamarmik qinigaasinnaatitaanngitsut akornaniinngimmata aamma 1.juni 2017 nallertinnagu inissitiserluni ataatsimiittoqartussaassamat allaffissornermik suliallit – nunap iluani naalakkersuisoqarfik isumasioriarlugu – qinigaasinnaatitaanermut ataatsimiititaliap aalajangiinerisa tamanut saqqummiunneqarnissaat sioqqullugit inissitiserluni ataatsimiisitsisoqarnissaq toqqissisimanartinnngilaat.

Aalajangerneq:

Suliap normua	Ilisimatitsissut
Eqqartugaq	Ikaarsaariarnermut ataatsimiititaliap 2017-imi suliassai pillugit ilisimatitsineq

Kommunini suliassaqrarfiit aaqquusuteqqinneqarnerata allannortinneqarneranik Inatsisartut inatsisaat nr. 30, 28. november 2016-imeersumi §§ 9-12:

§ 9. Ikaarsaariarnermi ataatsimiititaliat pingaarnertut suliassaat tassaavoq Qaasuitsup Kommuniata kommuninut marlunnut nutaanut avinneqarnissaata piareersarnissaa.

§ 10. Ikaarsaariarnermi Ataatsimiititaliat kommunit nutaat aqutsinermut ileqqoreqqusassaannik suleriaasissaannillu suliaqassapput.

Imm. 2. Ikaarsaariarnermi Ataatsimiititaliat aningaasaqarnermut ataatsimiititaliamik tamarmik immikkut pilersitsissapput taassumalu ataani ataatsimiititalianik allanik pilersitsisinnaallutik.

§ 11. Ikaarsaariarnermi ataatsimiititaliat aalajangersakkat 1. januar 2018 -imiit atuutilersumi inatsimmi pisortat suliassaqrarfiinik kommunit nutaat nakkutiginnissinnaanerannik aalajangersakkat pisariaqartitat aalajangiiffigissavaat.

Imm. 2. Ikaarsaariarnermi ataatsimiititaliat kommunip nutaap qanoq ateqarnissaanik sumillu ilisarnaateqarnissaanik kissaatitik kingusinnerpaamik ulloq 1. august 2017 aalajangiiffigissavaat.

§ 12. Ingerlatsiviit siunissami sumi inissinneqassanersut ikaarsaariarnermi ataatsimiititaliat aalajangiiffigissavaat.

Imm. 2. Kommunimi nutaami allaffeqarfik ikaarsaariarnermi ataatsimiititaliat piareersassavaat, allaffeqarfiullu pilersinneqarnissaanut allaffissornermi aqutsisut pisariaqartumik amerlassuseqartut atorfinitsissallugit.

Imm. 3. Sumi inissiinissaq allaffissornermilu aqutsisunik atorfinitsitsinissat kingusinnerpaamik 31. december 2017 aalajangiiffigineqareersimassapput.

Aallarniutigalugu inatsimmi oqaaseqaatit innersuussutigineqassapput, ilanngussatut taakkua nassiuneqarput. Inatsit pillugu oqaaseqaatit issuarlugit ima allassimasut ataani atuarneqarsinnaapput:

Ikaarsaariarnermut ataatsimiititaliat kommunit nutaat piareersarnerini pingaarutilimmik inissisimasussaapput.

Ikaarsaariarnermut ataatsimiititaliat Qaasuitsup Kommuniata avinneqarluni naammasinissaata tungaanut piffissami ikaarsaariarfimmi atuutissapput. Ikaarsaariarnermut ataatsimiititaliat ilaatigut makkua isummerfigissavaat: kommunit nutaat qanoq pilersinneqarnissaat pissanersoq aalajangersaasussaapput.

Qaammatit arfineq-pingasut ingerlanerini pisussat ikaarsaariarnermut ataatsimiititaliap katiterlugit pilersaarusiortussaassavai, taamaalilluni kommunit nutaat 1.januar 2018-imi atuutilertussaassapput.

Ikaarsaariarnermut ataatsimiititaliat kommunit aqunneqarneri pillugit inatsisartut inatsisaani aalajangersakkat malillugit inissitertussaapput. Ikaarsaariarnermi ataatsimiititaliamut ilaasortani utoqqaanersq inissiternerluni ataatsimiinnissamut aggersaassasoq siunnersuutigineqarpoq.

Aqutsinermut inatsimmi aalajangersakkat aamma malillugit inissitersoqassaaq, taamaattorli inissitertarluni ataatsimiinnissaq kingusinnerpaamik 1.juni 2017-imi pisussaassaaq.

Aqutsinermut inatsimmi aalajangersakkat naapertorlugit borgmesterimik, borgmesterip tullianik aamma borgmesterip tullersortaata tullianik toqqartueriaaseq atorlugu ikaarsaariarnermut ataatsimiititaliami ilaasortat siulittaasussaminnik, siulittaasup tullersortissaanik aamma siulittaasup tullersortaata tullissaanik toqqartuissapput. Avinnerup kingorna ikaarsaariarnermut ataatsimiititaliat kommunini nutaani kommunalbestyrelsitut 1.januar 2018-imiit atuutilissasut siunnersuutaavoq. Ikaarsaariarnermut ataatsimiititaliami siulittaasut immikkut kommunini nutaani borgmesteritut ingerlaannassapput, siulittaasup tullia borgmesterip tullersortigilissavaa aamma siulittaasup tulliaat tullia borgmesterip tullersortaata tulliatut ingerlalissapput.

Ikaarsaariarnermi ataatsimiititaliami ilaasortat aqutsinermut inatsimmi kommunalbestyrelsini ilaasortat akissarsiaassaasa aalajangersagartai naapertorlugit akissarsiaqartinneqassasut siunnersuutigineqarpoq. Taassuma assinganik siulittaasooq, siulittaasup tullia aamma siulittaasup tulliaat tullia borgmesterip, borgmesterip tulliaat kiisalu borgmesteri tulliaat tulliaat akissarsaanik aalajangersakka malillugit akissarsiaqartinneqassasut siunnersuutigineqarput.

Ikaarsaariarnermut ataatsimiititaliat pingaanertut suliassaat tassaavoq Qaasuitsup Kommuniata avinneranik suliaqarneq, kiisalu kommunit marluk nutaat pilersinnissaasa pilersaaruseri ingerlanneqarnerilu, taamaalilluni kommunit nutaat marluk toqqissisimanartumik kommunit oqartussaaffiup akisussaaffitaanik 1.januar 2018-imi tiguisinnaanissaat qulakkeerniartussaassaavaat.

Taamaattumik ikaarsaariarnermut ataatsimiititaliat suilliit ilaattut suliassaat ukuussasut siunnersuutaavoq: aningaasaqarnermut ataatsimiititaliamik aamam ataatsimiititalianik pisariaqartinneqartunik allanik pilersitsinerit. Kommunit aqunneqarneri pillugit inatsisartut inatsisaanni aalajangersakkat uani aamma atorneqartussaassapput. Ikaarsaariarnermut ataatsimiititaliat kommunini nutaani aqutsinermut ileqqoreqqusanik aamma aalajangersaasussaapput kiisalu ikaarsaariarnermut ataatsimiititaliat sulinermini suleriesissaannik aalajangersaasussaassallutik. Kommunit aqunneqarneri pillugit inatsisartut inatsisaanni, inatsimmut oqaaseqaatit, uani aamma atorneqarsinnaalluarmata inissititerluni ataatsimiinnermi taakkua malillugit sulinissaq siunnersuutigineqarpoq.

Kommunit taaguutissai aamma kommunit ilisarnaatissai ikaarsaariarnermut ataatsimiititaliap kingusinnerpaamik 1.august 2017 aalajangersaaffigisussaavaat. Inatsisartut 2017-imi ukiakkut ataatsimiinnermini kommunip avinneqarnera pillugu inatsisartut inatsisissaatut siunnersuut suliarisussaammassuk taamatut aalajangersaanerup sukkasuumik pinissaa pingaarpoq.

Ingerlatsiviit sumi siunissami inissisimanissaannik aamma aalajangersaasoqartussaavoq. Ingerlatsiviit najukkami ataatsimi katersorneqartariaqanngillat, kommunilli nutaat illoqarfiini agguataarlutik inissiortorneqarsinnaapput. Ingerlatsiviit ataasiakkaat inissisimaffissaat ikaarsaariarnermut ataatsimiititaliat aalajangissavai, soorlu aamma ikaarsaariarnermut ataatsimiititaliat kommunimi nutaami allaffissornerq piareersartussaavaat aamma allaffissornermik suliallit pisortassaasa amerlassusissaat pisariaqartitatik atorfinittussaassagaat. Suliaq taanna kommunip avinnissaa 1.januar 2018 sioqqullugu naammassineqarsinnaassasoq ilimagineqarpoq.

Kommunimi nutaami ingerlatsiviit siunissami inissisimaffiinik ikaarsaariarnermut ataatsimiititaliap aalajangereerip, atorfillit sumi inissisimassanersut sukkarnerpaamik pilersaaruseriortoqartariaqarpoq. Pilersaarutit pillugit atorfillit ingerlaavartumik ilisimatinneqassapput aamma atorfillip suliffianik nuussineq siusissukut sapinngisamik nalunaarutigineqassaaq, taamaalilluni atorfilik suliaq malersorlugu nuunnissaminik kissaateqassanngippat atorfimminit soraarniuteqarnissaminut suliunnaarnissamik nalunaaruteqartarnermi periuseq malillugu periarfissinneqassaaq. Sulisut suliarninnik malinninnissaat aallaaviusussaavoq. Taamaattoq atorfilik suliaq malersorlugu nutaamik atorfiniffissaminut nuulluni atorfinitsinneqarnissaminik kissaateqassanngikkuni atorfimminit soraarniuteqarnissaminut qaqugukkullunniit nalunaaruteqarsinnaatitaavoq.

Inatsisit taakkununga atuomassuteqartut ullormut oqaluserisassanut ukununga ilanngullugit nassiunneqarput, inatsisit pillugit oqaaseqaatit ilanngullugit.

Suliap normua /eqqartugaq	17-001 Kommunalbestyrelsimi siulittaasussamik toqqaaneq	Ilanngussap normua	001
		Journal nr.	

Suliap saqqummiunneqarnera:

Kommunini suliassa qarfiit aqqissuuteqqinneqarnerata allanngortinneqarneranik Inatsisartut inatsisaat nr. 30, 28. november 2016-imeersaq:

§ 4. Ikaarsaariarnermi ataatsimiititaliami ilaasortaq utoqqaanersaq inissititerluni ataatsimiinnissamut aggersaassaaq.

Imm. 2. Ikaarsaariarnermi ataatsimiititaliaq inissititissaaq Inatsisartut inatsisaanni kommunit aqunneqarnerat pillugu aalajangersakkat naapertorlugit. Inissititerluni ataatsimiinneq kingusinnerpaamik 1. juni 2017 ingerlanneqarsimassaaq.

Imm. 3. Ikaarsaariarnermi ataatsimiititaliat isumaqatigiinniarni ikaarsaariarnermi ataatsimiititaliani siulittaasut qinerneqarnissaasa tungaanut ilaasortamit ataatsimiinnissamut aggersaasumit aqunneqassapput.

§ 7. Kommunini nutaani taakkunani ikaarsaariarnermi ataatsimiititaliani siulittaasut borgmesteritut, siulittaasut tullii borgmesterip tulliatut siulittaasullu aappaat borgmesterip tulliaata aappaattut ingerlaqqissapput.

Kommunit aqunneqarnerat pillugu Inatsisartut inatsisaat nr. 22, 18. november 2010-mi § 6 naapertorlugu kommunalbestyrelsimi ilaasortat akornannit kommunalbestyrelsip siulittaasua toqqarneqartussaavoq (uani: Ikaarsaariarnermut ataatsimiititaliap) inissititerluni ataatsimiinnerani. Amerlanerussuteqartut aalajangigaat malullugu toqqaasoqassaaq (§ 6, imm. 2).

Siulittaasumik toqqaanerup kingorna ataatsimiinneq toqqagaasumit taassuminnga aqunneqalissaaq.

Inassuteqaat

Kommunalbestyrelsi siulittaasussaminik toqqaqquneqarpoq.

Ilanngussat:

Inatsisartut inatsisaat nr. 22, 18. november 2010-meersaq

Kommunini suliassa qarfiit aqqissuuteqqinneqarnerata allanngortinneqarneranik Inatsisartut inatsisaat nr. 30, 28. november 2016-imeersaq

Aalajangerneq:

--

Suliap normua /eqqartugaq	17-002 Ikaarsaariarnermut ataatsimiititaliap suleriusissaaq akuersineq	Ilangussap normua	
		Journal nr.	

Suliap saqqummiunneqarnera:

Kommunit aqunneqarnerat pillugu Inatsisartut inatsisaat nr. 22, 18. november 2010-mi § 1 imm. 3 naapertorlugu kommunalbestyrelsen (Ikaarsaariarnermut ataatsimiititaliap) nammineq sulerusissani aalajangersassavaa.

Kommunini suliassaqarfiit aqqissuuteqqinneqarnerata allannortinneqarneranik Inatsisartut inatsisaat nr. 30, 28. november 2016-imeersumi § 10 naapertorlugu inissititerluni ataatsimiinnermi sulerusissaq akuerineqarsinnaavoq.

Siunnersuut Qaasuitsup Kommuniani atuuttup assinganik imalik siunnersuut saqqummiunneqarpoq, taamaattorli taanna inatsimmi allannuutitut naqqissuiffigineqarnikuvoq. Ikaarsaariarnermut ataatsimiititaliap kommunalbestyrelsinngoreeruni taanna 1.januar 2018-p kingorna nutartissagaa innersuussutigineqarpoq, taamaalillunimi kommunip taaguutaa aamma nalimmasarneqarsinnaalissaaq.

Inassuteqaat:

Suleriusissatut siunnersuut akuerineqassasoq inassutaavoq

Ilangussat:

1. Suleriusissatut siunnersuut.

Aalajangerneq:

--

Suliap normua/eqqartugaq	17-003 Ikaarsaariarnermut ataatsimiititaliami siulittaasup tullia siulleq taassumalu tullianik toqqaaneq	Ilangussap normua	
		Journal nr.	

Suliap saqqummiunneqarnera:

Kommunit aqunneqarnerat pillugu Inatsisartut inatsisaat nr. 22, 18. november 2010-mi § 6, imm 4, naapertorlugu siulittaasup tullia kommunalbestyrelsimi ilaasortaasuneersoq toqqaarneqartarpoq (Ikaarsaariarnermut ataatsimiititaliap) ataatsimiinnermi siullermi.

I medfør Inatsisartutlov nr. 22 af 18. november 2010 § 6, stk. 4 om Den kommunale styrelse, vælges.

Kisitseriaaseq d`hondtsmethodemik taaneqartartoq tunngavigalugu qinersisarnermi periuserineqartartoq atorneqassaaq (§35) naapertorlugu.

Inassuteqaat:

Ikaarsaariarnermut ataatsimiititaliaq qinnuigineqarpoq siulittaasup tullianik siullermik kiisalu tullianik toqqaqqullugu.

Ilangussat:

Soqanngilaq

Aalajangerneq:

--

Suliap nr. /eqqartugaq	17-004 Aqutsinermut ileqqoreqqusassaq nutaag	Ilanng. nr.	
		Journal nr.	

Egikkaaneq:

Ikaarsaariarnermut ataatsimiititaliaq aalajangiussaqartussaavoq Kommune K2-mi politikikkut aqqis-suussaaneq pillugu, 1.januar 2018 atuutiletussamik.

Suliap saqqummiunneqarnera:

Kommunini suliassa qarfiit aqqissuuteqqinneqarnerata allanngortinneqarneranik Inatsisartut inatsisaat nr. 30, 28. november 2016-imeersoq § 10 naapertorlugu ikaarsaariarnermut ataatsimiititaliaq kommuni-mut nutaamut aqutsinermi ileqqoreqqusaliortussaavoq.

§ 10 immikk.2 naapertorlugu, aningaasaqarnermut ataatsimiititaliamik pilersitsisoqassaaq aamma ataatsimiititalianik pilersitsisoqarsinnaavoq. Ataatsimiititaliat allat pilersinneqarsinnaapput kommunalbestyrelsini pioreersuni periusaasoq malillugu, inatsisartut inatsisaat kommunemi aqutsinermi peqqussutit tamatumunnga atuuttut naapertorlugit. Siunertaavoq ataatsimiititaliat taakku 1.januar 2018 kingorna ingerlaannarnissaat.

Aqutsinermut ileqqoreqqusaliat allanngortinnissaannut piunasaavoq ataatsimiinnerit tullerit marluk atorneqassasut minnerpaamik ullunik 14-ninik akunnilerlugit. Suliap siullermeerneranni siunnersuut piviusunngortinniarneqassanngilaq aappassaaneraneqarnissaanulli ingerlateqqinneqassaaq aalajangiiffigisussanngortillugu.

§9-mi allassimavoq: Ikaarsaariarnermi ataatsimiititaliat pingaarnertut suliassaat tassaavoq Qaasuitsup Kommuniata kommuninut marlunnut nutaanut avinneqarnissaata piareersarnissaa.

Piunasaqaataannngilaq aqutsinermut ileqqoreqqusassasut siunnersuutip inissitsiterluni ataatsimiinnerani siullermeerneqarnissaa. Allattoqarfiulli inassutiginiarpaa suliap engertumik aallartinneqassasooq, taamaa-silluni ikaarsaariarnermut ataatsimiititaliap kissaatai ataatsimiititalianik pilersitsisinaanernut, aningaa-saqarnermut ataatsimiititaliap saniatigut, piaarnerpaamik atuutlerniassammata.

Allattoqarfimmiit ataatsimiititaliatut pilersitassasut kissaatinut takussutissiaq tiguneqareerpoq. Taanna pingaarnertut "sinaakkutaassaaq" aqutsinermut ileqqoreqqusassap inaarsarnissaanut suliarinerani.

Taamaattumik ikaarsaariarnermut ataatsimiititaliaq qinnuvigineqarpoq ataatsimiititaliatut pilersinneqartussaareersut takussutissartaanik nassiusseqqullugu kiisalu ataatsimiititaliat suliassaannut pisinnaataaffissaanullu paasissutissanik sukumiisunik itisiliisunillu ilanngussilluni, taakkununga ilaalluni qanoq annertutigisumik ataasiakkaat namminerisamik aalajangiisinaanernut pisinnaatitaaffeqassanersut aamma/ imaluunniit ataatsimiititalianut allanut inassuteqarsinnaanersut, ass. Aningaasaqarnermut ataa-tsimiititaliamut Ikaarsaariarnermullu ataatsimiititaliamut. Allaffeqarfimmiit immikkut maluginiaqquaa, ataatsimiititaliat ataavartunut takussutissartaqanngimmat namminerisaminnik aalajangersinnaanernut immikkut pisinnaatitaaffeqarnersut 2017-mi.

Aningaasatigut kingunissai:

Inaarutaasumik aqutsinermut ileqqoreqqusaaq akuerineqarpat aningaasatigut kinguneqartitsissooq ataatsi-miititaliani siulittaasunngorumaartussat aningaasarsiaqartinnerisigut.

Inatsit tunngavigisaq

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq Kommunini suliassa qarfiit aqqissuuteqqinneqarnerata allanngortinneqarneranik Inatsisartut inatsisaat nr. 30, 28. november 2016-imeersoq

Inassuteqaat

Ikaarsaariarnermut ataatsimiititaliaq qinnuvigineqarpoq akuerseqqullugu, aqutsinermut ileq-qoreqqusassatut siunnersuutissaq suliarineqassasoq ataatsimiinnermilu siullertut inissittumi siul-lermeerneqassasoq paasissutissat pisariaqartitanik itisiliisunik tigoreernerini.

Aalajangerneq:

--

Suliap. /eqqartugaq	17-005 Allaffissornikkut aaqqissuussaannermut siunnersuut	Ilanng. nr.	
		Journal nr.	

Eqikkaaneq:

Kommunissani nutaani allaffissorneq 1.januar 2018 atuulluarsinnaassappat, ikaarsaariarnermut ataatsimiittitaliap isummerfigissavaa, kommuneqarfissat nutaat allaffissornikkut qanoq aaqqissuussaanaissaa, kiisalu atorfinitsissalluni pisariaqartitatut amerlassusiliilluni allaffissornikkut aqutsisussanik allaffissor-nikkut aaqqissuussisussanik.

Suliap saqqummiunneqarnera:

Tamatumunnga atatillugu Qaasuitsup Kommuniani allattoqarfik allakkiamik ilanngussamiittumi, tassani aaqqissuussaannerut assigiinngitsunut pingasunut aaqqissuussaanaikkut ilutsinik takussutissiorsimapput kommunissami nutaami allaffissoriaasissamut.

Siunnersuutit pingasuusut suliaasimapput iliuusissatut anguniakkat arfinillit aallaavigalugit Qaasuitsup Kommuniani allattoqarfiup innersuutigalugit, Ikaarsaariarnermut ataatsimiittitaliap allaffissornikkut nutaamik pilersitsiniarnermi kommunini marluulersussani suliareqqitassatut.

Iliuusissatut anguniakkat aamma atorsinnaapput Ikaarsaariarnermut ataatsimiittitaliap naleraasut, taakku qulakkeerinneqataassapput kommuneqarfinni nutaani allaffissornikkut immikkoortortat pitsaanerpaamik politikkikkut sulinerit ikorfartuiffiginiassammatigit, suliniarfissatut susassaqarfiit aalajangersaavigineri aamma innuttaasut.

Ikaarsaariarnermut ataatsimiittitaliap aalajangerpagu iluseq sorleq allaffissornikkut aaqqissuussaannermut atorusunnerlugu kommunimi nutaassami, Qaasuitsup Kommuniani allattoqarfiup nangillugu suliarisasaatut, taamaattoq aamma suliaasat allat suliarineqassapput, soorlu aaqqissuussami Attaveqqaatigeeriaaseq, siunissami aaqqissuussaannerup Ilusilersornera kiisalu akuutilerneqarnissaa. Immikkut taakku pinga-sut ilusilersukkatut nassuiaasiorsimapput qupp.7-mi.

Inatsit tunngavigisag:

Kommunini suliaasaqarfiit aaqqissuuteqqinneqarnerata allanngortinneqarneranik Inatsisartut inatsisaat nr. 30, 28. november 2016-imeersoq – pingaartumik § 12-mi immikk.1 aamma 2.

Kingunissai:

Inassuteqaat susassaqarfinnut allanut sunniuteqassanganinneqanngilaq.

Aningaasatigut kingunissai:

Siunnersuutit aningaasatigut sunniuteqarnissaa ataatsimiinnermi tullermi saqqummiunneqassaaq aaqqis-suussaannerup ilusissaata saqqummiunneqarneranut atatillugu.

Inassuteqaat:

Qaasuitsup Kommuniani ikaarsaariarnermut ataatsimiittitaliamut allattoqarfiup inassutigai:

- 1. iliuusissatut anguniakkat 6-t siunissami allaffissornikkut aaqqissuussaanaissami akuerineqassasut allakkiami saqqummiunneqartut tak.qupp.2**
- 2. ilutsit siunnersuutit pingasut arlaat ataaseq akuereqqullugu allaffissornikkut aaqqissuussaanaissamut allakkiami allassimasutut, kommunimi nutaami allaffissornikkut aaqqissuus-saanaissaq ulloq 1.1.2018-miit**
- 3. Qaasuitsup Kommuniani allattoqarfik pisinnaatillugu – ikaarsaariarnermut ataatsimiiti-**

taliap tulliani ataatsimiinnissaata tungaanut, allaffissornikkut aaqqissuussaanissami nutaami Ikaarsaariarnermut ataatsimiititaliap akuerisaani, aaqqissuussaanermut attaveqarnerup suliarinera nangillugu aamma siunissami aaqqissuussaanerup Ilusissaa. Kingullertut taaneqartoq Ikaarsaariarnermut ataatsimiititaliap tullissaani ataatsimiin-nerani saqqummiunneqassaaq siunniullugu Ikaarsaariarnermut ataatsimiititaliap siunis-sami aaqqissuussaanerup Ilusissaa akuerissangaat, tassunga ilaatillugit aqutsisoqarnikkut aaqqissuussaaq, suliatigut agguataarineq allattoqarfimmi immikkoortoqarfiit akornanni ataatsimoortoqatigiit ilusilersungaaneri aammalu ataatsimoortumik nukiit.

.

Ilanngussat:

- Aalajangiiffissatut allakkiaq – kommuneqarfinni nutaassani marlunni siunissami aaqqissuussaaq

Aalajangerneq:



Suliap nr. /eqqartugaq	17-006 2017-mi ataatsimiiffissat	Ilanng. nr.	
		Journal nr.	

Eqikkaaneq:

Aqutsinnermut inatsit naapertorlugu kommunalbestyrelsi (uani: Ikaarsaariarnermut ataatsimiititaliaq) ataatsimiinnermi inissitsiterfiusumi ukioq qinersiviusumi, ukiup ingerlanerani ataatsimiiffissat ullussai inississavaat.

Sagsfremstilling:

Ikaarsaariarnermut ataatsimiititaliap suliassaa pingaarnerpaaq aallaqqaasiutitut ilisimatitsissutini ersippoq.

Ataatsimiiffissatut allassimaffimmi immikkut mianerineqassaaq, Inatsisartut inatsisaat Kommunini suliassaqarfiit aaqqissuuteqqinneqarnerata allanngortinneqarneranik Inatsisartut inatsisaat nr. 30, 28. November 2016-imeersumi § 15, kingusinnerpaamik 1.juli 2017 2017-mut missingersuutissanik siunnersuusior-toqassaaq, kingusinnerpaamik 1.august 2017 sularineqareerlutik akuerineqarsimasussanik. Kingusinner-paamik ulloq taanna aalajangiisoqassaaq kukkuneruiusunik toqqaasoqarluni aalajangiisoqarlunilu kom-munip taaguutissanik ilisarnaatissaanillu.

Tamatuma saniatigut siunissami kommunep aaqqissuussaaneranut aalajangiinnermi ingerlatsiviillu sumi inissinneqarneri isiginiarneqassapput, taamaasilluni sulisutigut pisariaqartitat piffissaangallartillugu inis-sereersimaniassammata ulloq 1.januar 2018 nallertinnagu.

Ataatsimiinnerit ataqatigiissaarfiuneri pisariaqarput/pissapput Qaasuitsup Kommuniata ataatsimiiffissatut aalajangersagaanut naleqqussarlugit, pingaartumik 2016-mi naatsorsuutitut atatillugu immaqalu ilassu-tinik tapiissutitut, Kommunini suliassaqarfiit aaqqissuuteqqinneqarnerata allanngortinneqarneranik Inatsisartut inatsisaat nr. 30, 28. november 2016-imeersumi § 18 malillugu.

Aammattaaq nalilerneqarpoq ikaarsaariarnermut ataatsimiititaliat marluusut ataatsimiiffissaat ataqatigiissarneqassasut akunnerminni, inassutiginarluni tamatuma sillimaffiginissaa, aammalu ikaarsaariarnermut ataatsimiititaliaq allannguuteqaratarsinnaaneranut eqaatsuussusermik takutitsisarnissaa.

Pissutsit naliginnaatillugit, sapinngisamik juli qaammat ataatsimiittoqartassanngilaq sulinnigiffeqarnerit eqqarsaatigalugit aammalu august septemberillu ilaa ilaatigut aavarfittut atortarmata. Missingersuutit suli-arineritut il.il. atatillugu pisariaqarsinnaasassaaq piffissani taakkunani ataatsimiittoqartarsinnaanera.

Ataatsimiiffissatut pilersaarusiornermi tapiliunneqarpoq ullulersuiffissat missingersuusiornissamut ikaarsaariarnermut ataatsimiititalianut 2017-mi 2018-mullu.

Tapiliunneqarpoq 2017-mut ullorsiut. Inatsisartut ataatsimiiffissaat ilaapput, taamaattoq ataatsimiiffissat EM2017-moortut suli ilisimaneqanngimmata.

Inassuteqaat

- **2017-mut Ikaarsaariarnermut ataatsimiititaliap ullut ataatsimiiffissat aalajangersaavigalugillu akuersissutigissavai.**

Ilangussaq:

- Piffissaliussat missingersuutitut inissinissanut ikaarsaariarnermut ataatsimiititalianut 2017-mut aamma 2018-mut
- 2017-mut ullorsiut, QaKom-mimi ataatsimiiffissatut ullulissat

Aalajangerneq:

Suliap nr. /emne	17-008 Aningaasaqarnermut ataatsimiititaliap ilaasortassaanik toqqaaneq	Ilanng. nr.	
		Journal nr.	

Eqikkaaneq:

Kommunini suliassa qarfiit aqqissuuteqqinneqarnerata allanngortinneqarneranik Inatsisartut inatsisaat nr. 30, 28. november 2016-imeersoq malillugu Ikaarsaariarnermut ataatsimiititaliap Aningaasaqarnermut ataatsimiititaliap pilersissavaa ataatsimiititalianillu ataaniittussanik pilersitsisinnaalluni.

Suliap saqqummiunneqarnera:

Ataatsimiititaliamik pilersitsisoqassangaluarpat/pilersitsisoqarpat tamanna pissaaq kommunalbestyrelsenut atuuttunut periusaareersut malillugit, Inatsisartuit inatsisaat naapertorlugit aqutsilerumaartussanut kommunemi aalajangersagaasut malillugit. Siunniussaavoq ataatsimiititaliat taakku ingerlaannarsinnaanissaat 1.januar 2018-p kingorna. Kommunit aqunneqarnerat pillugu Inatsisartut inatsisaat nr. 22, 18. november 2010-meersoq §§ 24 aamma 26 malillugit, Kommunalbestyrelsip toqqarsinnaavaa ataatsimiit-titalianik ataavartunik pilersitsinissaq, takuuk aqutsinermut ileqqoreqqusami taakku katitigaanerat (oqaluuserisassani immikk.13-1020) soorlu aamma kommunalbestyrelsep Aningaasaqarnermut ataatsi-miititaliamut ilaasortassat toqqartarai.

Ikaarsaariarnermut ataatsimiititaliami siulittaasoq aningaasaqarnermut ataatsimiititaliami inunnguusera-lugu siulittaasuvoq.

Ikaarsaariarnermut ataatsimiititaliap ilaasortaanit ilaasortat toqqarneqassapput avinneqarsinnaanngitsumillu amerlassuseqassallutik, kommunalbestyrelsemili ilaasortat affaat sinnersimassanagit. Ataatsimiititaliani ataavartuni ilaasortanut ataasiakkaanut sinniisussamik toqqaasoqassaaq, ataatsimiititaliamut aggersarneqarsinnaasumik ilaasortaviusup pisinnaanngiffiini.

Ataatsimiititaliat allat, "ataatsimiititaliat ataavartut" pillugit, taakkununga ilaasortassanik toqqaanerit naliginnaasumik pisarput Ikaarsaariarnermut ataatsimiititaliap aqutsineranut ileqqoreqqusap nutaap aap-passaaneerneranut atatillugu, tamatuma kingorna ataatsimiititaliat taakku piaarnerpaamik inissitsitissap-put namminneerlutik iluminni siulittaasussaminnik toqqaassallutik.

Inatsit tunngavigisaq:

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq Kommunini suliassa qarfiit aqqissuuteqqinneqarnerata allanngortinneqarneranik Inatsisartut inatsisaat nr. 30, 28. november 2016-imeersoq

Kingunissai:

Inassuteqaat atuutilersinneqarpat nalilerneqarpoq tamanna avatangiisinut, sulisoqarnikkut allatigulluunniit kinguneqassanngitsoq.

Aningaasatigut kingunissai:

Soqanngilaq

Suliap sularineqarnera:

Suliaq ataatsimiititaliani/siunnersuiffinni allani sularineqassanngilaq, Ikaarsaariarnermut ataatsimiititaliap aalajangiinnaasutsimut pisinnaatitaaffeqarpoq.

Inassuteqaat:

Ikaarsaariarnermut ataatsimiititaliaq qinnuvigineqarpoq Aningaasaqarnermut ataatsimiititaliamut ilaasortassanik nutaanik toqqaqqullugu D`Hondts-ip periusaa malillugu.

Ilangussat:

Aalajangerneq:

Suliap normua/eqqartugaq	17-009 Borgmesterip tullersortaata siulliup aningaasatigut ajunngitsorsiassai pillugit aalajangerneq	Ilanngussap normua	
		Journal nr.	

Uteqqiineq:

Kommunalbestyrelsi qinnuigineqarpoq aalajageeqqullugu, borgmesterip tullersortaata siulliup aningaasatigut ajunngitsorsiassai borgmesterip akissarsiaasa 15%-iannik aallaaveqassanersut imaluunniit borgmesteritut atuunnermini borgmesterip aningaasarsia tamakkiisut pisassanera. Borgmesterip tullersortaa siulleq aalajangernermi kisimi pineqarpoq.

Suliap saqqummiunneqarnera:

Borgmesterip tullersortaata siulliup aningaasatigut qanoq ajunngitsorsiassaartitaanissaa siusinnerusukkut aalajangersimasumik piumasaqaataaneq ajorpoq, nalunaarutilli 2011-imi allannortinneqarneratigut maannakkut piumasaqataavoq borgmesteri, tassumalu tullersortai il.il. qanoq aningaasalersorneqassanersut.

Inatsit tunngavigineqartog:

Borgmesterinik borgmesterillu tulliinik kiisalu kommunalbestyrelsinut nunaqarfinnilu aqutsisunut ilaasortanik il.il. akissarsiaqartitsineq pillugu Namminersorlutik Oqartussat nalunaarutaat nr. 1, 21. januar 2011-meersoq § 3. Imm. 1.

Kingunissai:

Ivertitsinissamut inassuteqaateqarnermi avatangiisinut, sulisunut allatigulluunniit kingunerluuteqarsinnaanera ilimagineqanngilaq.

Aningaasatigut kingunissai:

Borgmesterip feriarnerani sulinngiffeqarneraniluunniit borgmesterip aningaasarsiai tamakkerlugit tunniunneqarsinnaasunngorlugit aaqikkaluaraanniluunniit borgmesterip tullersortaanut siullermut akissaateqartitsineq annertunerusumik akissarsiaqartitsinerulernaviannigilaq. Qinigaaffiup iluani akissarsiaqartitsinermi periusut marluk atoraluaraanniluunniit akissarsiaritinneqartussat assigiinnarnissaat naatsorsuutigisariaqassaaq.

Suliarinnittut:

Suliaq ataatsimiititaliani allani/siunnersuisoqatigiinneq eqqartugassaanngilaq. Kommunalbestyrelsip aalajangiisinnaanermut oqartussaaffianiippoq.

Inassuteqaat:

Ikaarsaariarnermut ataatsimiititaliaq qinnuigineqarpoq, borgmesterip tulliata siulliup aningaasatigut ajunngitsorsiassaartinneqarnissaa qaammammoortoq borgmesterip akissarsiaasa 15%-iannik annertussuseqassasoq aalajangiivigeqqullugu.

Ilanngussat:

Soqanngilaq

Aalajangerneq:

--

Suliap nr. /eqqartugaq	17-010 Kommuniip taaguutaanik ilisarnaataanillu inassuteqaasiortussanik pilersitsineq	Ilanng nr.	
		Journal nr.	

Suliap saqqummiunneqarnera:

Kommunini suliassaqarfiit aqqissuuteqqinneqarnerata allanngortinneqarneranik Inatsisartut inatsisaat nr. 30, 28. november 2016-imeersoq § 11, imm. 2 naapertorlugu ikaarsaariarnermut ataatsimiititaliap kingusinnerpaamik 1. August 2017-imi aalajangissavaa, kommuninngortussap nutaap atissaa ilisarnaattissaalu qanoq ittuussanersut.

Kommuninngortussani nutaani marluusuni kommunip atissaa ilisanaartissaalu qanoq ittuussanersut unammissutigineqarnissaat allaffeqarfimmiit suliakkiutigineqareernikuupput, siunnersuutit kingusinnerpaamik 1. Maj-imi tunniunneqartussanngorlugit. Qanoq ateqassanersut qanorlu ilisarnaateqassanersut pillugit siunnersuutit maannakkut tiguneqarsimalereerput.

Ikaarsaariarnermut ataatsimiititaliaq qinnuigineqarpoq atsiinissamut ilisarnaasiinissamullu komitiuusussami ilaasortassanik inassuteqaasiortussanillu toqqaaqqullugu, taakkualu siunnersuutit tiguneqarsimasut qimerluuataassavaat taamaalioreerunillu atsiinissamut siunnersuuteqarsimasut pingasut kiisalu ilisarnaartissamut siunnersuuteqarsimasut pingasut inaarutaasumik aalajangiinissamut toqqassavaat, siunnersuutaasullu ikaarsaariarnermut ataatsimiititaliamut saqqummiutissavaat inaarutaasumik piaartumik aalajangiisoqarnissaa pisinnaaqqullugu.

Komitiiuusussami ilaasortassat 3-5-iunissaat siunnersuutigineqarpoq, taakkualu ikaarsaariarnermut ataatsimiititaliami ilaasortaasariaqanngillat, taamaattorli sumiiffigisami kulturimut inuiaqatigiinnullu tunngassutunut ilisimasaqarluarnissaat pisariaqartussaavoq.

Ikaarsaariarnermut ataatsimiititaliap komitiit marluk pilersissallugit aalajangiisinnaavoq; atermik ataatsimik ilisarnaammillu ataatsimik toqqaasinnaasumik.

Komitiinngortussat suliaqarnertik akissarsiaqaatigissanngilaat, atissalu ilisanaartissallu ikaarsariarnermut ataatsimiititaliamit akuersissutigineqareerpata komitii atorunnaarsinneqassaaq.

Inassuteqaat:

Ikaarsaariarnermut ataatsimiititaliaq aalajangeeqqullugu qinnuigineqarpoq, komitiuusussami inassuteqaasiortussat qassiunissaat pillugu, kiisalu komitiuusussami kikkut inuttarineqassanersut.

Ilanngussat:

- Atsiinissamut ilisarnaasiinissamullu unammisitsinissami allagarsiivinnut allagarsiussat.

Aalajangerneq:

--

Suliap normua /eqqartugaq	17-011 Ilisimatitsissutit: siunnersuisooqatigiinni, ataatsimiititaliani, aningaasaateqarfinni, siulersuisuni il.il. ilaasortassanik toqqartuineq	Ilanngussap normua	
		Journal nr.	01.01.00

Uteqqiineq:

Aktieselskabinut, suliffeqarfiit imminnut pigisutut ingerlasunut, kommunip suliffiutaanut, aningaasaateqarfinnut, peqatigiiffinnut, ataatsimiititalianut kiisalu siunnersuisooqatigiinnut ilaasortat kommunalbestyrelsip toqqartussaavai, taamaaliortoqassaarlu kommunalbestyrelsimit imaluunniit kommunimit qulaani pineqartunut aallartitaqartussaaneq tunngavigalugu, aqutsinermi inatsimmi 31-imi aalajangersakkat naapertorlugit.

Suliap saqqummiunneqarnera:

Kommunini suliassaqarfiit aqqissuuteqqinneqarnerata allanngortinneqarneranik Inatsisartut inatsisaat nr. 30, 28. november 2016-imeersoq § 8 kiisalu § 2 imm. 3. Innersuussutigalugu, taamatuttaarlu Aqutsinermi inatsit § 31 imm. 2,2 naapertorlugu, Ikaarsaariarnermut ataatsimiititaliap ilaasortassat qulaani pineqartut toqqartussavai 1. Januar 2018-imiit atuutilertussanngorlugit, ilaasortassatullu toqqakkat kommunalbestyrelsip qinikkatut atuuffia tunngavigalugu atuutissapput.

Aqutsinermut inatsimmi § 31 allaqqavoq, ataatsimiititaliani, siunnersuisooqatigiini il.il. qulaani pineqartuni toqqakkat ataatsimiititalianik ataavartunik toqqartuisarnermi periuseq atorneqartassaaq (Aningaasaqarnermut ataatsimiititaliaq aalaakkaasumik ataatsimiititaliaavoq, ataavartumik atuuttussatut inissitaanani). Ataatsimiititaliat allat ataavartumik ingerlasussat aatsaat atuutilersinnaapput aqutsinermut ileqqoreqqusap aappassaaneerlugu oqaluuserineqareerpat, oqaluuserineqareerpallu ataatsimiititaliani ilaasortassanik toqqartuineq aatsaat pisinnaavoq.

Atuisartut ataatsimiititaliaat:

Immikkut malugeqqusatut oqaatigineqassaaq, Atuisartunut pisisartullu siunnersuisartoqatigiit, tuniniaasarneq, nalunaaqutsersuisarneq, akit aamma atuisartunut pisisartunullu maalaaruteqartarfittut ataatsimiititaliat pillugit Inatsisartut inatsisaat nr. 10, 13. november 1986-imeersoq atortunnaarnikuuvoq. Taamaatumik qulaani pineqartuni ilaasortassanik *toqqaasoqarsinnaanngilaq*. Illoqarfiit ilaanni ataatsimiititaliat ilaat suliassaminnik suli ingerlataqarput isumagisartakkatillu ingerlatiinnarlugit, aammattaaq innuttaasunit/atuisartunit apersuutigineqartarpoq sumiiffigisami atuisartut pisisartullu saaffigisinnaasaannik peqarnerseq. Tamatuma eqqartorneqarsinnaanera ataatsimiinnermi allami kingusinnerusukkut pisussami pisinnaavoq, taamaaliortoqarsinnaaneralu inassutigineqarpoq, ataatsimiititaliamimi pineqartumi suliassat atuuffissallu sukumiisumik eqqarsaasersuutigeerlugit pilersitsinissamut tunngassuteqartut eqqartorneqarsinnaammata.

Illoqarfinni ataasiakkaani Innarluutilinnut kiisalu Utoqqarnut siunnersuisooqatigiinnik pilersitsisoqarnikuuvoq, inunnik isumaginninnermut ataatsimiititaliamit ilaasortassat toqqartorneqarnikuullutik.

Ataatsimiititaliani, siunnersuisooqatigiinni, nævnini, siulersuisuni il.il. ilaasortassatut toqqartukkat ikaarsaariarnermut ataatsimiititaliamut kingusinnerusukkut nassiussuunneqarumaarput.

Inassuteqaat:

Ikaarsaariarnermut ataatsimiititaliaq qinnuigineqarpoq ilisimatitsissutinut tunngassuteqartut tusaatissatut figineqassasut.

Aalajangerneq:

ILISIMATITSISSUTIT

Ilaasortanit siunnersuutit, ataatsimiitaliani imaluunniit allaffissornikkut suliarineqartussatut ingerlateqqitat.

Ilaasortanit apeqqutit, allaffissornikkut akineqartut.

Mødet slutter/ ataatsiminneq naavoq**Atsiorfissaq:**

Hansen, Ane _____

Olsen, Peter _____

Sørensen, Hector Lennert _____

Samuelson, Aqqa _____

Aronsen, Hans _____

Petersen, Thomas _____

Kristensen, Niels _____

Svane, Jess _____

Sandgreen, Enok _____

Mølgaard, Timooq _____

Jeremiassen, Otto _____

Jeremiassen, Kristian _____

Jeremiassen, Nikolaj _____

Broberg, Kristian _____

Petersen, Naja _____